

կ'առաջնորդէ իւր հօտին 'ի Տաւրիա, և կը բնակեցնէ Թերակղզւոյս կեդրոնական քաղաքը՝ Խարաու, նոյն արտօնութիւնքը զորս տէրութիւնը գաղթական գնալնուն պատճառաւ շնորհել էր ժողովրդեան, դարձեալ սեփականելով իւր հօտին։ Այդչափ վիշտ և նեղութիւն կրելէն յետոյ, այն բազմարդիւն վարդապետն պատճառաւ ժողովրդեան անհամաձայնութեան՝ կը թողու իւր հօտը, և կը հեռանայ վշտազին դարձեալ յԱլատերինեսպաւ գաւառի մի գիւղի մէջ, և հոն կ'անցնէ իւր ծերութիւնը, ու կնքէ բազմարդիւն և վշտալից կեանքը¹։ Կայսերական պարզեագորին զօրութեամբ, գաղթականաց առաջնորդք՝ մինչև կենաց վերջը՝ իրենց պաշտօնին մէջ հաստատ պիտի մնան. Տէր Յակոբայ այդպէս հեռանալը յայտնի կը ցուցնէ՝ որ անկարելի եղել է նմա մնալ իւր պաշտօնին մէջ. և 12 տարուան միջոց կրկին անգամ տեղէ տեղ գաղթող ժողովուրդը, որք շատ ու շատ զհօղութեանց և զրկմանց ենթարկուած են, անշուշտ՝ անձեռնհաս բարձրագոյն իշխանութեանց դէմ մաքառելու, իրենց համբերատար հովուին դէմ ըմբոստացել են, որ աշխատած է միշտ կատարել ժողովրդեան կամքը. խօսքիս մեծամեծ ապացոյց մի է Հայոց կաթողիկոսաց վերադարձն

¹ Շատ տարի անցնելէն վերջէ (1859) Խարաուի Գերարդոյ Հ. Վրթանէս վարդապետն Պուտուրեան, մարմարէ քանդակագործ տախտակ մի յարմարցնել կու տայ Ս. Լուսաւորիչ եկեղեցւոյն մօտից ձախակողմը, պատին մէջ, կոփել տալով բարեացապարտ Տէր Յակոբայ կիսապատկերը. տախտակին վերի կողմը գրել տալով վարդապետին անունը, պարզեագորին ստացումը և մահուան տարին։